

I. DISPOSICIÓNS XERAIS

CONSELLERÍA DE PRESIDENCIA, ADMINISTRACIÓNS PÚBLICAS E XUSTIZA

Orde do 7 de marzo de 2006 pola que se desenvolve o Decreto 146/1997, do 22 de maio, polo que se aproba o Regulamento de asistencia xurídica gratuíta da Comunidade Autónoma de Galicia.

O Estatuto de autonomía de Galicia, aprobado pola Lei orgánica 1/1981, do 6 de abril, establece no seu artigo 20.1º que lle corresponde á Comunidade Autónoma de Galicia exercer todas as facultades que a Lei orgánica do poder xudicial e a Lei orgánica do Consello Xeral do Poder Xudicial lle recoñezan ou atribúan ao Goberno do Estado.

Neste sentido, o Real decreto 2166/1994, do 4 de novembro, transferiulle á Comunidade Autónoma de Galicia as funcións e os servizos en materia de provisión de medios materiais e económicos para o funcionamento da Administración de xustiza.

No exercicio desas competencias, a Xunta de Galicia estableceu un marco normativo axeitado ás peculiaridades da nosa comunidade autónoma, a través do Decreto 146/1997, do 22 de maio, polo que se aproba o Regulamento de asistencia xurídica gratuíta da Comunidade Autónoma de Galicia, que na súa disposición derradeira primeira autoriza o conselleiro competente en materia de xustiza para ditar as disposicións precisas para o seu desenvolvemento e aplicación. Por outra banda, no seu artigo 39 establécese o procedemento para a actualización das cantidades fixadas para compensar economicamente as actuacións dos avogados e procuradores en materia de asistencia xurídica gratuíta.

Os acordo asinados o 24 de setembro de 2003 co Consello da Avogacía Galega e o 19 de outubro de 2003 co Consello Galego de Procuradores, sobre a compensación económica pola asistencia xurídica galega, prevén a aplicación a partir do 1 de xaneiro de 2006 da actualización de cantidades previstas nos baremos do anexo II do Regulamento de asistencia xurídica gratuíta co incremento do índice de prezos ao consumo dos anos 2004 e 2005. Segundo os datos publicados polo INE, a evolución do IPC no período indicado é do 7,8%.

Coa finalidade de proceder á actualización dos módulos e bases de compensación económica nos termos acordados, faise necesario adaptar o devandito anexo II do decreto.

Na súa virtude, e consultada a Consellería de Economía e Facenda,

DISPOÑO:

Artigo único.-Actualízanse os módulos e as bases de compensación pola prestación dos servizos de

asistencia letrada e de defensa e representación gratuítas aplicables durante o ano 2006 e que se determinan no anexo II do Decreto 146/1997, do 22 de maio, actualizado pola Orde do 1 de abril de 2005.

Disposición derradeira

Esta orde produce efectos desde o día 1 de xaneiro de 2006.

Santiago de Compostela, 7 de marzo de 2006.

José Luis Méndez Romeu
Conselleiro de Presidencia, Administracións
Públicas e Xustiza

ANEXO II

Módulos e bases da compensación económica Baremos para o ano 2006 Avogados/Tipoloxía

	Módulo
-Asistencia ao detido ou preso	
Asistencia individualizada	94,86 €
-Xurisdición penal	
Procedemento ante o tribunal do xurado	431,20 €
Asistencia diaria á vista ante o tribunal do xurado a partir do segundo día	107,80 €
Procedemento ordinario por delito	420,42 €
Procedemento abreviado de especial complexidade (causa de máis de 1.000 folios)	420,42 €
Procedemento por delito contra a seguridade do tráfico (alcoholemias)	215,60 €
Procedemento penal abreviado	312,62 €
Proc. axuízamento rápido de delitos sen conformidade	323,40 €
Proc. axuízamento rápido de delitos con conformidade	215,60 €
Xuízo de faltas	140,14 €
Menores. Proceso terminado con sentenza	215,60 €
Menores. Proceso con outras formas de terminación	161,70 €
Recurso ante o xulgado de vixilancia penitenciaria con intervención preceptiva ou designación de avogado por requirimento xudicial, conforme o artigo 21 da Lei de asistencia xurídica gratuíta	145,53 €
Saídas a centros de prisión (máximo dúas saídas por proceso)	18,33 €
Desprazamentos para a asistencia a xuízo oral (avogados con despacho oficial nun partido xudicial distinto do da sede do xulgado do penal ou da audiencia provincial)	37,73 €
Recursos de apelación. Proceso por delito	145,53 €
Recursos de apelación. Xuízo de faltas	118,58 €
Defensa xurídica inmediata da muller en dilixencias policiais, tramitación da orde de protección e procedementos administrativos que traian causa directa ou indirecta de violencia doméstica	94,86 €
-Xurisdición civil	
Procedemento ordinario	323,40 €
Xuízo verbal	215,60 €
Proceso matrimonial contencioso completo	323,40 €
Proceso matrimonial de mutuo acordo	161,70 €
Medidas provisionais previas á demanda	86,24 €
Modificación de medidas	301,84 €
Proceso sobre filiación, paternidade ou capacidade, agás expedientes do artigo 763 da LAC	215,60 €
Monitorio	107,80 €
Actuación nun proceso como contador partidario	226,38 €
Proceso de división xudicial de patrimonios	161,70 €
Execucións de títulos xudiciais con oposición e posteriores a dous anos	161,70 €
Cambiarío e execución de títulos non xudiciais	161,70 €
Expedientes de xurisdición voluntaria e expedientes de internamento non voluntario por razón dun trastorno psíquico	161,70 €
Recursos de apelación	145,53 €
-Xurisdición contencioso-administrativa	
Recurso contencioso-administrativo	312,62 €
Recurso contencioso-administrativo. Proc. abreviado	215,60 €
Vía administrativa (extranxeiría e asilo)	107,80 €
Recursos de apelación	145,53 €
-Xurisdición social	
Procesos laborais (ordinario e especiais)	215,60 €
Recursos de suplicación	145,53 €

	Módulo
-Xurisdición militar	
Proceso íntegro	204,82 €
-Recursos de casación e amparo	
Recurso de casación	323,40 €
Recurso de casación cando non se formaliza e hai só anuncio	45,35 €
Recurso de amparo	323,40 €
-Actuacións extraprocesuais	
Transaccións extraxudiciais	(*) 75%
Informe motivado da insostibilidade da pretensión	70,70 €
Desistencia previa ao proceso por pasividade da persoa axuizable, estudo e preparación do asunto, previa á presentación da demanda	(*) 30%
-Normas xerais	
Sometemento	(*) 30%
Execución da sentenza posterior aos dous anos de recaída a resolución xudicial, agás na xurisdición civil	(*) 30%

(*) Sobre o módulo aplicable ao procedemento

Procuradores/Tipoloxía

	Módulo
-Xurisdición penal	
Procedemento ante o xulgado de instrución en sumarios ou causas perante o tribunal do xurado	23,72 €
Intervención ante o xulgado de instrución en procedementos abreviados de especial complexidade (actuacións de máis de 1.000 folios)	23,72 €
Intervención ante o xulgado de instrución en procedementos abreviados	12,94 €
Intervención ante o xulgado de instrución en xuízos rápidos	23,72 €
Xuízo oral ante a audiencia provincial	19,40 €
Xuízo oral ante o xulgado do penal	19,40 €
Xuízo de faltas (*)	25,87 €
Recurso de apelación	29,11 €
Procedemento ante o xulgado de vixilancia penitenciaria (*)	21,56 €
-Xurisdición civil	
Procedemento ordinario	40,96 €
Xuízo verbal e procesos especiais	32,34 €
Proceso matrimonial contencioso (completo)	48,51 €
Proceso matrimonial de mutuo acordo	32,34 €
Medidas provisionais previas	12,94 €
Modificación de medidas definitivas	45,28 €
Recurso de apelación	29,11 €
-Xurisdición contencioso-administrativa	
Recurso contencioso-administrativo (*)	32,34 €
Recurso de apelación (*)	29,11 €
-Xurisdición social	
Proceso laboral (*)	32,34 €
Recurso de suplicación (*)	29,11 €
-Xurisdición militar	
Proceso íntegro	32,34 €
-Recursos de casación e amparo	
Recurso de casación ante o Tribunal Superior de Xustiza de Galicia	32,34 €

(*) Cando a intervención do procurador sexa requirida expresamente pola autoridade xudicial de conformidade co artigo 6.3º da Lei 1/1996, de asistencia xurídica gratuíta

III. OUTRAS DISPOSICIÓNS

VICEPRESIDENCIA DA IGUALDADE E DO BENESTAR

Orde do 10 de marzo de 2006 pola que se convocan subvencións destinadas ás entidades locais de Galicia para a realización de actividades dirixidas á xuventude, para a promoción da información xuvenil e para a incorporación da xuventude ás novas tecnoloxías durante o ano 2006.

O Estatuto de autonomía establece no seu artigo 27 que lle corresponde á Comunidade Autónoma galega a competencia exclusiva nas materias do deporte e a axeitada utilización do lecer, así como a promoción do desenvolvemento comunitario.

Así mesmo, polo Decreto 285/1989, do 16 de decembro, asúmense as funcións e servizos transferidos pola Administración do Estado á Comunidade Autónoma de Galicia, en materia de promoción sociocultural, no ámbito de xuventude e desenvolvemento comunitario.

Coa aprobación do Decreto 211/2005, do 3 de agosto, polo que se estableceu a estrutura orgánica da Xunta de Galicia e co Decreto 232/2005, do 11 de agosto, a dos seus departamentos, establecendo no seu artigo 1 a estrutura básica da Vicepresidencia da Igualdade e do Benestar, que conta coa Secretaría Xeral do Benestar á que corresponde o exercicio das competencias e funcións en materia de xuventude, a través da Dirección Xeral de Xuventude e Solidariedade, desenvolvido polo Decreto 517/2005, do 6 de outubro.

A Vicepresidencia da Igualdade e do Benestar entende que, para acadar os obxectivos de participación efectiva da xuventude nos diferentes ámbitos da sociedade actual, facilitándolle a súa integración social e laboral e o acceso por parte dela a unha información axeitada ás súas demandas informativas en igualdade de oportunidades en todo o territorio da Comunidade Autónoma de Galicia, é fundamental promover o feito asociativo xuvenil así como as actuacións e canles dirixidas a consolidar e garantir o acceso a unha información ampla, obxectiva e actualizada dirixida á xuventude, e facilitar o acceso da mocidade na utilización das novas tecnoloxías, prestándolles apoio ás accións que neste sentido emprendan os concellos dentro da súa competencia e ámbito territorial, como entes próximos ao cidadán e coñecedores das necesidades e da problemática xuvenil propia de cada un deles.

Entre as tarefas propias da competencia dos concellos referidas a este sector da poboación, a Vicepresidencia da Igualdade e do Benestar considera, polo tanto, de máximo interese colaborar na promoción das actuacións dirixidas a garantir o acceso a unha información orientada á xuventude e ás súas necesidades, de actividades formativas e educativas no ámbito do tempo libre, e na potenciación do asociacionismo xuvenil e utilización por parte da xuventude das novas tecnoloxías, actuacións que necesariamente han de influír no desenvolvemento comunitario e na súa formación integral.

Esta convocatoria axústase ao disposto no artigo 78 do Decreto lexislativo 1/1999, do 7 de outubro, polo que se aproba o texto refundido da Lei de réxime financeiro e orzamentario de Galicia, na súa redacción dada pola Lei 14/2004, do 29 de decembro, de medidas tributarias e de réxime administrativo, e no Decreto 287/2000, do 21 de novembro, que o desenvolve e, en concreto, no relativo aos principios de obxectividade, concorrencia e publicidade na concesión das axudas e subvencións e no establecido na Lei 7/2005, de orzamentos xerais da